

# GADE, POZE KESYON, FÈ!



Lakou  
Kajou

InnovEd  
UniQ Institut Supérieur  
de Formation

BLUE BUTTERFLY  
COLLABORATIVE

## KI JAN POU OU UTILIZE KAT SA YO

Pake sa gen ladan li senk epizòd **Lakou Kajou**. An plis, li gen yon kat pou chak epizòd ki bay konsèy sou jan pou nou gade **Lakou Kajou** ! Gen sijesyon pou aktivite ou ka itilize pou angaje elèv yo epi ede yo aprann plis nan videyo yo. Pake a gen ladan li tout mo ki parèt nan senk epizòd **Lakou Kajou** yo. Epi li gen yon lis liv ki gen rapò ak tèm ki nan epizòd sa yo.

Chak epizòd nan **Lakou Kajou** baze sou yon sèl tèm.

An nou konsantre sou senk epizòd sa yo:

### **Egzèsis • Patrimwàn • Transpò • Dlo • Zouti**

Epizòd sa yo bay leson nan lekti, aritmetik, konpetans pèsonèl, ak yon seri de lòt objektif kourikoulòm.

Nou espere zouti sa yo ap itil nan aprantisaj elèv yo e ke ou menm ak elèv ou yo ap renmen **Lakou Kajou** !

Mwen se Zandolin, yon pèsonaj nan yon pwogram televizyon pou timoun. Avèk zanmi mwen yo, Tilou ak Lili, mwen ede timoun yo aprann.



# EPIZÒD: ZOUTI

MO JODI A : ZOUTI

## REZIME EPIZÒD LA



Lili ak Tilou ap monte kap.



Karin ap panse sou ki sa li ta renmen fè  
lè li vin gran.



Papa Manno fè li kado yon lapen.

## POZE ELÈV OU KESYON

1. Ki sa ki te pase nan Lakou Kajou jodi a?
2. Ki sa ou te pi renmen ? Pou ki sa ?
3. Èske Lili ak Tilou te aprann yon bagay jodi a?

## FÈ AKTIVITE AK ELÈV OU YO

1. **MONTRE EPI DI.** Mande timoun yo si paran yo ta ka prete yo yon zouti (ki pa ka blese yo) pou yo pote nan gwoup la/nan lekòl la.

2. **PALE SOU ZOUTI.** Mande timoun yo pale ansanm sou diferan zouti yo. Eske gen zouti ki sèvi pou divès kalte sèvis ?

3. **ZOUTI.** Mande timoun yo desinen zouti ki itil nan chak metye oswa pwofesyon : agrikilti, ebenis, kizinyè, dantis, lajistis, biznis, lekòl, eks...

4. **ZOUTI CHAK JOU.** Mande timoun yo fè yon lis zouti yo te sèvi nan jounen an (pa egzanp: bwòs dan, kreyon, tas, vè, kiyè, sak, règ, gòm, liv, otobis, moto).

